

Զանգեզուրի և Լեռնային Ղարաբաղի բարբառների բնորոշ մերձավորությունը պետք է բացատրել ոչ միայն երկրների էթնիկ շերտի միանմանությունով, այլ առավելապես առաջին, նախնական շերտի նույնությունով¹³:

Հետաքրքրական է, թե ինչպես էր բացատրում ժողովրդական ավանդությունը Զանգեզուրի և նրան հյուսիսից հարակից գավառների կուլտուրական փոխադարձ հարազատությունը: Այդ ավանդությանը հետևելով Ստեփաննոս Օրբելյան պատմագիրը, որը մի առանձին հպարտությամբ շարունակ հիշատակում է «Սիսական տոհմի, տան, ցեղի...» սխրագործությունները, այդ տոհմի նահապետ Սիսակի զավակներից է առաջ բերում ինչպես Զագին, Զագեձորի վրա իր անունը թողած նահապետին, այնպես էլ Նոանին կամ Առանին՝ Աղվանից նահապետին, որից և՛ Կուր, և՛ Արաքս գետահովիտները մինչև այսօր էլ տեղացիները կոչում են Առան:

«Անուն առաջնոյն (Սիսական տոհմին) Սիսակ կոչիր: Ի զավակէ սոցա (Վաղարշակ թագավորն) ընտրեալ այր մի յոյժ արի և գեղեցիկ և քաղցր բարութ զՆոան (Առան) անուն և կարգէ նահապետ ի վերայ մեծ դաշտին Առանայ, յԵրասխայ մինչև ցշունարակերտ: Եւ վասն քաղցր բարութն աղու ձայնէին՝ զնա, որ և աշխարհն յանուն նորա Աղուանք (Աղվանք) կոչեցաւ: Ահա այս սակաւ մի տեղեկութիւն քեզ, զի գիտասցես զնոսա ոչ միայն Սիւնեաց, այլ և Աղվանիցն գոլ նախնի, նաև երիցագոյն քան զնոսա»¹⁴:

Այսպիսով այս ավանդությունը Զանգեզուրի բնակիչներին ազգակից է համարում Առանի աղվաններին, որոնք տարածված են եղել նաև Կուր գետի աջափնյա դաշտում, այժմյան Դաշտային Ղարաբաղում և Գանձակի շրջանում՝ մինչև Ղազախ: Ըստ Մովսես Խորենացու գրանցած այլ ավանդության¹⁵ այդ Սիսակը ստացել էր իր հայր Հայկաղյան Գեղամ նահապետից:

«...ի ծովէն ընդ արեւելս (Սեանա լճից—Ս. Լ.) մինչև ցդաշտ մի, որ գետն Երասխ հատեալ զբարանձաւս լերանց՝ անցանէ ընդ խոխոմաձիգս և նեղս, ահագին դընդընշմամբ իջանի ՚ի դաշտն: Աստ բնակեալ Սիսակ, լնու շինութեամբ զսահմանս բնակութեան իւրոյ. և զաշխարհն կռչէ իւրով անուամբ Սիւնիք. այլ Պարսք յըստակագոյն իսկ Սիսական կոչեն»:

Ըստ այս տարբերակի Սիսականները զբաղված էին ամբողջ տարածությունը մինչև Արաքս և Մեղրու կիրճը, այսինքն և՛ Զանգեզուրը, և՛ Մեղրու շրջանը ներառյալ: Եթե Ստեփաննոս Օրբելյանը ընդգծում է Զագի և Նոանի սերունդների ազգակցությունն ու Սիսակից սերված լինելը, ապա այսպիսով միասին Աղվանական էթնիկ խմբին պատկանելը: Բայց Աղուանք ասելով նա աչքի առաջ ունի Կուր գետի աջակողմյան հովիտը, որտեղ և այսօր հայ բնիկ ազգաբնակչության և՛ լեզվի, և՛ սովորությունների մեջ նշվում են շատ պարզորոշ նմանություններ Ղարաբաղ-Զանգեզուր աշխարհի հետ: Սա Անգրկովկասի այն շրջանն է, որտեղ սկյութա-կիմմերական ամբոխների ներխուժումից հետո առավելապես սակեոն են հաստատվել¹⁶: Մ. Խորենացին վերագրում է Սիսա-

¹³ Հմմտ.՝ Դարբյան Արարատ, Համառոտություն հայ բարբառագիտության, էջ 180, նաև 249:

¹⁴ Օրբելյան Ստ., անդ, գլ. Դ:

¹⁵ Մ. Խորենացի, Պատմութիւն հայոց, գ. Ա, գլ. ԺԲ:

¹⁶ Տե՛ս իմ հոդվածը «Կիմմերական ներարշավի ուղին Անգրկովկաս», ՀՍՍՀ, ԳԱ, հասարակ. գիտ. «Տեղեկագիր», 1947, № 1: